

AUGLÝSING

um staðfestingu á reglum um leit, rannsóknir og vinnslu kolvetnis.

Iðnaðarráðherra kunngjörir hér með að hann hefur, skv. heimild í 57. gr. reglugerðar um leit, rannsóknir og vinnslu kolvetnis, nr. 38/2009, staðfest reglur Orkustofnunar sama efnis. Skulu reglur þessar, sem birtar eru sem fylgiskjal með auglýsingu þessari taka gildi við birtingu þeirra í B-deild Stjórnartíðinda.

Iðnaðarráðuneytinu, 17. mars 2009.

Össur Skarphéðinsson.

Kristján Skarphéðinsson.

Fylgiskjal.

Reglur um leit, rannsóknir og vinnslu kolvetnis.

I. KAFLI

Gildissvið og skilgreiningar.

1. gr.

Gildissvið.

Reglur þessar taka til leitar, rannsókna, vinnslu kolvetnis og flutnings þess eftir leiðslukerfi utan netlaga í landhelgi, efnahagslögsögu og landgrunni Íslands.

2. gr.

Skilgreiningar.

Efnahagslögsaga: Efnahagslögsaga Íslands er svæði utan landhelgi er afmarkast af línu sem alls staðar er 200 sjómíllur frá grunnlínum landhelginnar, sbr. lög nr. 41/1979, um landhelgi, efnahagslögsögu og landgrunn. Milli Íslands annars vegar og Færeyja og Grænlands hins vegar, þar sem minna en 400 sjómíllur eru milli grunnlína, afmarkast efnahagslögsaga og landgrunn Íslands af miðlínu.

Flutningur: Flutningur kolvetnis frá hafstöð með leiðslukerfi eða með öðrum hætti.

Framleiðsla: Upptaka efnis úr jarðlögum.

Framleitt kolvetni: Kolvetni sem búið er að dæla upp úr kolvetnisgeymi og ekki hefur verið dælt aftur niður í kolvetnisgeymi.

Hafstöð:

1. Búnaður, svo sem pallar, leiðslukerfi og önnur mannvirki í efnahagslögsögu og landgrunni Íslands sem notuð eru í kolvetnisstarfsemi.

2. Hvers konar flutningstæki sem nýtt eru til kolvetnisstarfsemi meðan þau liggja við festar.

Íslenskt hafsvæði: Hafsvæðið frá fjöruborði að ytri mörkum efnahagslögsögunnar eða að ytri mörkum landgrunns þar sem það nær út fyrir efnahagslögsöguna.

Kolvetni: Jarðolía, jarðgas eða annars konar kolvetni sem er til staðar í jarðlögum undir hafsbotni frá náttúrunnar hendi og nýtanlegt er í loftkenndu eða fljótandi formi.

Kolvetnisauðlind: Kolvetni á eða í kolvetnisgeymi.

Kolvetnisgeymir: Jarðfræðilega afmarkað svæði undir hafsbotni sem inniheldur kolvetni.

Kolvetnislögin: Lög nr. 13/2001, um leit, rannsóknir og vinnslu kolvetnis með síðari breytingum.

Kolvetnisreglugerðin: Reglugerð nr. 38/2009 um leit, rannsóknir og vinnslu kolvetnis.

Kolvetnisstarfsemi: Starfsemi sem tengist kolvetnisauðlindum neðansjávar, svo sem rannsóknir og vinnsla, þar með talið áform um slíka starfsemi en þó ekki olíuflutningar með skipi.

Landgrunn: Hafsbotninn og neðansjávarsvæði utan landhelginnar, sem eru framlenging landsvæðisins, allt að ytri mörkum landgrunnssvæðisins, þó að 200 sjómílna fjarlægð frá grunnlínum

landhelginnar þar sem ytri mörk landgrunnssvæðisins ná ekki þeirri fjarlægð, sbr. lög nr. 41/1979, um landhelgi, efnahagslögsögu og landgrunn. Milli Íslands annars vegar og Færeyja og Grænlands hins vegar, þar sem minna en 400 sjómílar eru milli grunnlína, afmarkast efnahagslögsaga og landgrunn Íslands af miðlínu.

Landhelgi Íslands eða landhelgin: Svæði sem er afmarkað af línu sem alls staðar er 12 sjómílar frá grunnlínu sem dregin er samkvæmt lögum um landhelgi, efnahagslögsögu og landgrunn.

Leit: Könnun á almennum skilyrðum til myndunar og varðveislu kolvetnis, afmörkun svæða þar sem slík skilyrði eru hagstæð og leit að kolvetnisauðlindum með mælingum úr lofti, á láði, á legi eða hafsbotni eða með sýnatöku úr efstu jarðlögum hafsbotsins, t.d. með grunnum borunum eða töku kjarna.

Leyfisaðili: Einn einstaklingur eða lögaðili úr hópi handhafa leyfis til rannsókna og vinnslu á kolvetni, séu þeir fleiri en einn.

Leyfishafi: Aðili sem skráður er hér á landi sem fengið hefur leyfi til leitar, rannsóknar og/eða vinnslu kolvetnis í samræmi við ákvæði reglna þessara.

Rekstraraðili: Sá úr hópi leyfisaðila sem sér um daglega stjórn kolvetnisstarfseminnar fyrir hönd leyfishafa.

Rannsóknir: Mat á stærð, legu og vinnslueiginleikum kolvetnisgeymis með borun leitarholna og borholumælingum auk leitar að kolvetni með jarðeðlisfræðilegum aðferðum.

Tilraunabrunnur: Borhola sem ekki er ætluð til vinnslu kolvetnis.

Vinnsla: Vinnsla kolvetnis úr kolvetnisgeymi, þ.m.t. borun vinnsluholna, dæling eða leiðsla kolvetnis til yfirborðs, niðurdæling kolvetnis og annarra efna, meðhöndlun og geymsla kolvetnis fyrir flutning, útskipun kolvetnis ásamt byggingu, uppsetningu, rekstur og lokun hafstöðvar ætlaðrar til slíkrar vinnslu.

II. KAFLI

Leyfi til leitar að kolvetni.

3. gr.

Umsókn.

Í umsókn um leitarleyfi skv. 5. gr. kolvetnisreglugerðarinnar skal eftirfarandi koma skýrt fram:

1. Nafn umsækjanda eða umsækjenda, ef þeir eru fleiri saman, heimilisfang. Ef um lögaðila er að ræða þurfa opinber skráningargögn að fylgja umsókn.
 2. Staðarmörk svæðis sem sótt er um.
 3. Tilgangur með öflun leyfis, þ. á m. eðli og markmið rannsókna.
 4. Ítarleg útskýring á fyrirhugaðri starfsemi umsækjenda, þ. á m. eðli og markmið rannsókna, m.a. rannsóknaraðferð, þ. á m. nafn, stærð, tegund og gerð skipa og lýsingu á rannsóknartækjum.
 5. Staðfesting á því að umsóknargjald, sbr. 30. gr. kolvetnislaganna, hafi verið greitt.
- Orkustofnun getur óskað frekari upplýsinga en um getur í 1. mgr.
Umsókn um leyfi skal berast Orkustofnun á íslensku eða ensku.

4. gr.

Heimilar aðferðir samkvæmt leyfi.

Leyfi heimilar leyfishafa leit að kolvetni skv. 8. gr. kolvetnisreglugerðarinnar með eftirtöldum aðferðum:

1. Segulmælingum.
2. Viðnámsmælingum.
3. Þyngdarmælingum.
4. Jarðsveiflumælingum.
5. Mælingum á varmaflæði.
6. Mælingum á náttúrulegri geislavirkni.
7. Jarðefnafræðilegum aðferðum.
8. Sýnatöku af jarðlögum hafsbotsins án borunar.
9. Borun eftir sýnum af jarðlögum hafsbotsins allt að 25 metrum niður fyrir hafsbotn.

Orkustofnun getur heimilað aðrar leitaráðferðir samkvæmt beiðni umsækjanda.

5. gr.

Tilkynningar varðandi leit.

Sérhvern leiðangur til leitar að kolvetni á eða yfir íslensku hafsvæði skv. 10. gr. kolvetnisreglugerðarinnar skal tilkynna til Orkustofnunar eigi síðar en fimm vikum áður en hann hefst. Orkustofnun getur við sérstakar aðstæður veitt undanþágu frá tilgreindum fresti.

Skipaleiðangur skal einnig tilkynna til Landhelgisgæslunnar innan frests skv. 1. mgr. Í tilkynningunni skal eftirfarandi koma fram:

1. Að leiðangurinn leiti kolvetnis samkvæmt leyfi.
2. Upplýsingar um leyfishafann, verktaka við leitina, mælingaskipið og hvernig unnt sé að hafa samband við þessa aðila.
3. Hvort fyrirhugað sé að beita þjónustu- eða stuðningsfarartækjum við leiðangurinn.
4. Stutt lýsing á tilgangi leiðangursins.
5. Hornhnit leitarvæðisins.
6. Upplýsingar um lágmarksathafnasvæði skipsins við mælingar.

Leiðangur með loftfari skal einnig tilkynna til Flugmálastjórnar Íslands og Landhelgisgæslunnar innan frests skv. 1. mgr. Í tilkynningunni skal eftirfarandi koma fram:

1. Að leiðangurinn leiti kolvetnis samkvæmt leyfi.
2. Upplýsingar um leyfishafann, verktaka við leitina, loftfarið og hvernig unnt sé að hafa samband við þessa aðila.
3. Hvort fyrirhugað sé að beita þjónustu- eða stuðningsfarartækjum við leiðangurinn.
4. Stutt lýsing á tilgangi leiðangursins.
5. Hornhnit leitarvæðisins.
6. Upplýsingar um flughæð við mælingar.

6. gr.

Tilkynning um að leit með skipi sé að hefjast.

Skipaleiðangur skal tilkynna til Orkustofnunar og Landhelgisgæslunnar.

Í tilkynningu skal eftirfarandi koma fram:

1. Að leiðangurinn leiti kolvetnis samkvæmt leyfi.
2. Nafn leyfishafa.
3. Nafn verktaka.
4. Nafn skips og heimahöfn.
5. Einkennisstafir.
6. Radíókallmerki.
7. Inmarsat fjarskiptanúmer fyrir síma, símbréf og tölvupóst.
8. Tegund.
9. Dagsetning.
10. Tími.
11. Staðsetning.
12. Síðasta viðkomuhöfn áður en komið er inn á íslenskt hafsvæði (höfn og land).
13. Fyrsta viðkomuhöfn eftir að farið verður af íslensku hafsvæði (höfn og land).
14. Áætluð tímasetning og staðsetning við komu á leitarvæðið.
15. Upplýsingar um fyrirhugaðar komur á íslenskar hafnir (hafnir og áætlaða komutíma).
16. Nafn og heimilisfang umboðsmanns á Íslandi.

Ef leiðangur hefst utan Íslands eða er farinn með erlendu skipi skal tilkynna hann þegar komið er inn á íslenskt hafsvæði, þ.e. við ytri mörk efnahagslögsögunnar eða við ytri mörk landgrunnins, þar sem það nær út fyrir efnahagslögsöguna. Að öðrum kosti skal tilkynna leiðangur þegar lagt er af stað úr íslenskri höfn.

Í tilkynningu má óska eftir því við Landhelgisgæsluna að hún sendi út viðvörun um fyrirhugaðar mælingar til annarra sjófarenda á leitarvæðinu.

Komur til íslenskra hafna skal tilkynna Landhelgisgæslunni og öðrum íslenskum yfirvöldum með a.m.k. 24 klst. fyrirvara, helst með atbeina umboðsmanns leyfishafa.

7. gr.

Tilkynning um að leit með loftfari sé að hefjast.

Leiðangur með loftfari skal tilkynna til Orkustofnunar, Flugmálastjórnar Íslands og Landhelgisgæslunnar.

Í tilkynningu skal eftirfarandi koma fram:

1. Að leiðangurinn leiti kolvetnis samkvæmt leyfi.
2. Nafn leyfishafa.
3. Nafn verktaka.
4. Einkennisstafir loftfars.
5. Kallmerki.
6. Dagsetning.
7. Tími.
8. Staðsetning.
9. Áætluð tímasetning og staðsetning við komu á leitarsvæðið.

Ef leiðangur hefst utan Íslands eða er farinn með erlendu loftfari skal tilkynna hann þegar komið er inn yfir íslenskt hafsvæði, þ.e. við ytri mörk efnahagslögsögunnar eða við ytri mörk landgrunnnsins, þar sem það nær út fyrir efnahagslögsöguna. Að öðrum kosti skal tilkynna leiðangur þegar lagt er af stað frá íslenskum flugvelli.

Fari leiðangur inn á íslenska flugupplýsingasvæðið (OCA/BIRD) skal leggja flugáætlun fyrir Flugmálastjórn Íslands eigi síðar en einni klst. áður en komið er inn á svæðið.

8. gr.

Tilkynning um komu og brottför af leitarsvæði.

Komu og brottför leitarfars og þjónustu- eða stuðningsfarartækja þess af leitarsvæði skal tilkynna til Orkustofnunar. Leiðangur með loftfari skal einnig tilkynna til Flugmálastjórnar Íslands og Landhelgisgæslunnar, en skipaleiðangur til Landhelgisgæslunnar.

Í tilkynningu skal koma fram einkennismerki farartækis, kallmerki og staðsetning. Við komu á leitarsvæði skal tilkynning einnig innihalda upplýsingar um áætlaðar ferðir leitarfars næstu 24 klst. Ef um skipaleiðangur er að ræða má í tilkynningu óska eftir því við Landhelgisgæsluna að hún sendi út viðvörðun um fyrirhugaðar mælingar til annarra sjófarenda á leitarsvæðinu.

9. gr.

Dagleg tilkynning.

Á hverjum degi kl. 11.00 – 15.00 að miðtíma Greenwich skal tilkynna um staðsetningu og áætlaðar ferðir leitarfars næstu 24 klst. Skal tilkynning send til Flugmálastjórnar Íslands og Landhelgisgæslunnar ef um leiðangur með loftfari er að ræða, en til Landhelgisgæslunnar ef um skipaleiðangur er að ræða.

III. KAFLI

Rannsóknar- og vinnsluleyfi.

10. gr.

Rannsóknar- og vinnsluleyfi.

Rannsóknar- og vinnsluleyfi samkvæmt kolvetnisreglugerðinni felur upphaflega í sér heimild til þess að rannsaka kolvetnisauðlind á tilteknu svæði á leyfistímanum með þeim skilmálum sem tilgreindir eru í reglum þessum, lögum, í leyfinu sjálfu og samkvæmt nánari fyrirmælum Orkustofnunar. Orkustofnun er heimilt að skipta leyfistíma rannsóknarleyfis í undirtímabil þar sem kveðið skal nánar á um réttindi og skyldur leyfishafa á hverju einstöku tímabili. Að uppfylltum þeim skilyrðum sem sett eru fyrir rannsóknnum á leyfishafi forgangsrétt á framlengingu leyfisins til vinnslu kolvetnis í allt að 30 ár. Að fenginni framlengingu leyfis til vinnslu felur rannsóknar- og vinnsluleyfi í sér heimild til handa leyfishafa til að vinna úr og nýta viðkomandi kolvetnisauðlind á leyfis-

tímanum í því magni og með þeim skilmálum öðrum sem tilgreindir eru í lögum, kolvetnis-reglugerðinni, í leyfinu sjálfu og sem Orkustofnun telur nauðsynlega.

Þegar gerðar eru athuganir á leyfissvæði innan ramma og á gildistíma rannsóknar- og vinnsluleyfis með sömu aðferðum og heimilaðar eru vegna leitar skv. 4. gr. reglna þessara, skulu fyrir mæli í 5.-9. gr. reglnanna gilda um framkvæmd þeirra.

11. gr.

Umsókn.

Í umsóknum um rannsóknar- og vinnsluleyfi skal koma skýrt fram hvert sé markmið með öflun leyfis ásamt ítarlegum upplýsingum um staðsetningu, umfang, eðli og tímasetningu fyrirhugaðra framkvæmda umsækjanda eftir nánari ákvörðun Orkustofnunar.

Telji Orkustofnun að umsókn um rannsóknarleyfi uppfylli ekki kröfur skv. 1. mgr. getur hún synjað um rannsóknarleyfi eða sett sérstök skilyrði í rannsóknarleyfi af þessu tilefni.

Í umsókn skulu a.m.k. eftirfarandi atriði koma fram:

1. Upplýsingar um skráningu umsækjanda í opinbera skrá hér á landi.
2. Staðarmörk svæðis sem sótt er um.
3. Forgangsröðun svæða í þeim tilvikum þegar sótt er um fleiri svæði en eitt.
4. Ítarlegar upplýsingar varðandi fyrirhugaða starfsemi umsækjanda, þ. á m. upplýsingar um fjárhagslega getu umsækjanda til að stunda starfsemi þessa.
5. Jarðfræðilegt mat á því svæði sem sótt er um og hversu skilvirk fyrirhuguð kolvetnis-starfsemi er á svæðinu.
6. Fjárhagslegt mat á því svæði, eða svæðum, sem sótt er um rannsóknar- og vinnsluleyfi.
7. Upplýsingar varðandi reynslu væntanlegra leyfisaðila og tæknilega getu vegna fyrirhugaðrar starfsemi umsækjanda á því svæði sem sótt er um rannsóknar- og vinnsluleyfi á. Sérstaklega skal gerð grein fyrir reynslu og tæknilegri getu væntanlegs rekstraraðila.
8. Upplýsingar um skipulag og sérfræðiþekkingu þess mannaúds sem umsækjandi hefur aðgang að hér á landi, sem og annars staðar, vegna fyrirhugaðrar starfsemi umsækjanda á því svæði, eða svæðum, sem sótt er um rannsóknar- og vinnsluleyfi á.
9. Staðfesting á því að umsóknargjald, sbr. 30. gr. a í kolvetnislögum, hafi verið greitt.

Umsækjandi skal leggja fram viðeigandi uppdrætti.

Orkustofnun er heimilt að veita undanþágur frá þeim skilyrðum sem um getur í 1. mgr. og einnig getur stofnunin óskað frekari upplýsinga en þeirra sem þar er getið um.

Umsókn um rannsóknar- og vinnsluleyfi skal berast Orkustofnun á íslensku eða ensku.

IV. KAFLI

Framleiðsla kolvetnis o.fl.

12. gr.

Nánari lýsing á framkvæmda- og vinnsluáætlun.

Lýsing á framkvæmdum og vinnslu ásamt fylgiskjölum skulu löguð að umfangi framkvæmdanna og vinnslunnar. Lýsingin skal taka mið af upplýsingum sem varða kolvetnisauðlindina, ásamt efnahagslegum-, tæknilegum-, umhverfisverndar- og öryggissjónarmiðum við framkvæmdirnar og vinnsluna.

Framkvæmda- og vinnsluáætlun skal innihalda eftirfarandi atriði eftir aðstæðum:

- a) Áætlun um byggingu, uppsetningu og rekstur hafstöðvar, sbr. nánari fyrir mæli í kolvetnis-reglugerðinni.
- b) Lýsingu á framkvæmda- og vinnslustefnu, ásamt upplýsingum um þau sjónarmið sem ákvarðanir er liggja henni til grundvallar byggjast á, ásamt lýsingu á síðari framkvæmda- og vinnslustigum, ef einhver eru, sem og á samstarfi um samnýtingu kolvetnisauðlinda eftir því sem við á.
- c) Lýsingu á jarð- og verkfræðilegum sjónarmiðum er varða kolvetnisauðlindina.
- d) Framleiðsluáætlun.
- e) Lýsingu á tæknilegum lausnum, þar á meðal lausnum sem miða að því að hindra eða draga úr losun eða útgufun sem skaðað gæti umhverfið.

- f) Upplýsingar um með hvaða hætti leyfishafi hyggst tryggja að starfsemi hans og starfsmenn fari eftir lögum og reglum sem um starfsemina gilda.
 - g) Upplýsingar um starfrækslu og viðhald.
 - h) Upplýsingar um efnahagsleg sjónarmið.
 - i) Upplýsingar um hvaða leyfi hefur verið sótt um, samþykkis sem leitað hefur verið eftir eða fyrirhugað er að leita eftir og ef fyrirhugað er að búnaður eða aðstaða, sem háð er eignarrétti þriðja aðila, verði sett upp á landi eða á sjávarbotni.
 - j) Upplýsingar um með hvaða hætti frágangi hafstöðva, vinnslumannvirkja og vinnslutækja verði háttáð ef kolvetnisstarfsemi lýkur.
 - k) Upplýsingar um byggingu og starfrækslu leiðslubúnaðar til vinnslu og flutnings kolvetnis sem háð er leyfi Orkustofnunar, skv. 17. gr. kolvetnislaganna.
 - l) Upplýsingar um með hvaða hætti kolvetni verði markaðssett.
 - m) Lýsing á tæknilegum ráðstöfunum í tengslum við neyðarviðbúnað.
 - n) Upplýsingar um aðra þætti sem eru mikilvægir fyrir stýringu kolvetnisauðlindanna.
 - o) Aðrar umbeðnar upplýsingar í samræmi við gildandi öryggislöggjöf á hverjum tíma.
- Orkustofnun getur farið fram á að aðrar lausnir verði teknar til athugunar.

13. gr.

Efni áætlunar um byggingu, uppsetningu og rekstur hafstöðvar.

Áætlun um byggingu, uppsetningu og rekstur hafstöðvar skal taka mið af sjónarmiðum sem varða kolvetnisauðlindina, ásamt efnahagslegum-, tæknilegum-, umhverfisverndar- og öryggissjónarmiðum. Þá skal hún taka mið af umfangi verkefnisins.

Áætlunin skal innihalda upplýsingar um eftirfarandi eftir því sem nauðsynlegt er að mati Orkustofnunar:

- a) Legu, stærð og flutningsgetu leiðslna.
- b) Eignarhald hafstöðvarinnar.
- c) Tæknilegar lausnir, þar á meðal lausnir sem miða að því að hindra eða draga úr losun eða útgufun sem skaðað gæti umhverfið.
- d) Með hvaða hætti leyfishafi hyggst tryggja að starfsemi hans og starfsmenn fari eftir lögum og reglum sem um starfsemina gilda.
- e) Starfrækslu og viðhald hafstöðvar, vinnslumannvirkja og vinnslutækja.
- f) Efnahagsleg sjónarmið.
- g) Leyfi sem sótt hefur verið um, samþykkis sem leitað hefur verið eftir eða fyrirhugað er að leita eftir og ef fyrirhugað er að hafstöð, sem háð er eignarrétti þriðja aðila, verði sett upp á landi eða á sjávarbotni.
- h) Með hvaða hætti frágangi á hafstöðinni verði háttáð ef kolvetnisstarfsemi lýkur.
- i) Lýsingu á tæknilegum ráðstöfunum í tengslum við neyðarviðbúnað.
- j) Aðra þætti sem eru mikilvægir fyrir stýringu kolvetnisauðlindanna.
- k) Aðrar umbeðnar upplýsingar í samræmi við gildandi öryggislöggjöf á hverjum tíma.

Orkustofnun er heimilt að gera frávik frá kröfum um innihald áætlunarinnar og getur krafist þess að aðrar lausnir verði teknar til skoðunar.

V. KAFLI

Lokun hafstöðva.

14. gr.

Upplýsingar sem koma skulu fram í áætlun um lokun hafstöðva.

Í áætlun um lokun hafstöðva skv. 16. gr. kolvetnislaganna skal tilgreina upplýsingar um eftirfarandi:

- a) vinnslu kolvetnis á svæðinu;
- b) staðsetningu, dýpt og eðli hafstöðvar;
- c) möguleika á áframhaldandi vinnslu;
- d) aðrar aðferðir við lokun hafstöðvar;
- e) önnur atriði sem skipta máli við val á aðferðum við lokun hafstöðvar;

f) tillögu leyfishafa að aðferð við lokun, þar á meðal tímaáætlun um framkvæmd lokunar.

Orkustofnun getur farið fram á að leyfishafi sýni fram á að áætlunin uppfylli ákvæði laga og reglugerða sem í gildi eru á hverjum tíma um öryggis- og umhverfismál.

Áætlunin skal taka tillit til eftirfarandi sjónarmiða varðandi sérhverja aðferð við lokun hafstöðvar sem hún fjallar um:

- a) tæknilegra-, öryggis-, umhverfis- og efnahagslegra sjónarmiða;
- b) mat á áhrifum á fiskveiðar og siglingar.

Orkustofnun er heimilt að gera undantekningu frá kröfum um innihald áætlunarinnar og er enn fremur heimilt að krefjast frekari upplýsinga og mats en þar kemur fram.

VI. KAFLI

Framsal og veðsetning.

15. gr.

Aðilaskipti vegna réttinda þriðja manns.

Sé umfang veðsetningarinnar þess eðlis, að mati Orkustofnunar, að hinar veðsettu eignir séu í senn nauðsynlegar og nægilegar til að halda áfram kolvetnisstarfsseminni sem leyfishafi hefur með höndum skv. viðkomandi leyfi er Orkustofnun heimilt með tilvísun til 52. gr. kolvetnisreglugerðarinnar að krefjast þess að veðhafi samþykki skriflega, með þeim hætti sem Orkustofnun metur fullnægjandi, að heimila leyfishafa að halda áfram kolvetnisstarfsemi í samræmi við skilyrði leyfisins, kolvetnislaganna og reglna þessara í allt að 60 daga.

Skal veðhafinn innan fyrrgreinds frests finna áhugasaman aðila til að taka við viðkomandi leyfi leyfishafa. Finnist slíkur aðili innan frestsins og uppfylli hann kröfur þær sem gerðar eru til leyfishafa í kolvetnislögunum, reglum þessum og leyfinu sjálfu og skuldbindi hann sig til að takast á herðar allar þær skuldbindingar sem leyfinu fylgja, getur Orkustofnun afturkallað leyfi leyfishafa og gefið út nýtt leyfi til handa hinum nýja aðila á sama grundvelli og með sömu tímalengd og hið afturkallaða leyfi.

Þrátt fyrir ákvæði 2. mgr. greinar þessarar er Orkustofnun þó heimilt, með tilvísun til 52. gr. kolvetnisreglugerðarinnar og að ósk hins nýja leyfishafa, að kveða á um lengri gildistíma hins nýja leyfis, þó ekki til lengri tíma en til 4 ára til viðbótar.

Finnist ekki áhugasamur aðili til að taka við af leyfishafanum, skal leyfið afturkallað í samræmi við ákvæði 3. málslíðar 1. mgr. 24. gr. b. í kolvetnislögunum. Hið sama á við samþykki Orkustofnun ekki að gefa út nýtt leyfi til hins nýja aðila.

16. gr.

Aðkoma nýs samstarfsaðila vegna fullnustu á réttindum þriðja aðila.

Séu hinar veðsettu eignir nauðsynlegar fyrir áframhaldandi kolvetnisstarfsemi sem leyfishafi hefur með höndum skv. viðkomandi leyfi en þó einar og sér ekki nægjanlegar til að halda henni áfram að mati Orkustofnunar, þ.e. leyfishafi myndi, þrátt fyrir að gengið yrði að veðinu halda eignum sem nauðsynlegar væru til að viðhalda kolvetnisstarfseminni er Orkustofnun heimilt með tilvísun til 52. gr. kolvetnisreglugerðarinnar að samþykkja að veðhafinn fái 60 daga frest til að finna áhugasaman aðila til að gera samstarfssamning, sbr 30. gr. kolvetnislaganna, við viðkomandi leyfishafa.

Finnist slíkur aðili innan frestsins og uppfylli hann kröfur þær sem gerðar eru til leyfishafa í kolvetnislögunum, reglum þessum og leyfinu sjálfu og skuldbindi hann sig til að takast á herðar í samstarfi við leyfishafann allar þær skuldbindingar sem leyfinu fylgja og samþykki Orkustofnun aðkomu hins nýja aðila getur kolvetnisstarfsemin haldið áfram á grundvelli leyfisins.

Frá þeim tíma sem veðhafi gengur að veðinu og þar til Orkustofnun hefur endanlega samþykkt aðkomu hins nýja aðila að kolvetnisstarfsemi leyfishafa er Orkustofnun heimilt á grundvelli 52. gr. kolvetnisreglugerðarinnar að krefjast þess að veðhafi samþykki skriflega, með þeim hætti sem Orkustofnun metur fullnægjandi, að heimila leyfishafa og skal leyfishafa að sama skapi vera skylt að halda áfram kolvetnisstarfsemi í samræmi við skilyrði leyfisins, kolvetnislaganna og reglna þessara.

Finnist ekki áhugasamur aðili til að taka við veðandlaginu og ganga til samstarfs við leyfishafa í samræmi við ákvæði þessarar greinar, skal leyfið afturkallað í samræmi við ákvæði 3. málslíðar

1. mgr. 24. gr. b. í kolvetnislögunum. Hið sama á við samþykki Orkustofnunar ekki aðkomu hins nýja aðila.

17. gr.

Staðgönguráðstöfun.

Sé andlag veðsetningar þess eðlis, að mati Orkustofnunar, að leyfishafa væri unnt að gera staðgönguráðstöfun, t.d. afla nýs hlutar í stað þess sem veðhafi hefur gengið að, er Orkustofnun heimilt með tilvísun til 52. gr. kolvetnisreglugerðarinnar að binda samþykki sitt á veðsetningunni því skilyrði að veðhafi samþykki skriflega að veita leyfishafa 60 daga frest til að koma staðgönguráðstöfuninni í kring áður en hann tekur veðandlagið í sínar vörslur eða takmarkar ráðstöfunarrétt leyfishafa með öðrum hætti.

Takist leyfishafa ekki innan þess frests sem getið er í 1. mgr. að fullkomna staðgönguráðstöfunina skal Orkustofnun, sbr. 1. mgr. 24. gr. b. í kolvetnislögunum, veita honum skriflega aðvörðun og hæfilegan frest til úrbóta að viðlögðum dagsektum. Ef leyfishafi sinnir ekki aðvörðun Orkustofnunar innan tilgreindra tímamarka getur Orkustofnun afturkallað leyfið eða breytt því. Ef um alvarlegt brot eða vanrækslu er að ræða eða ljóst er að leyfishafi getur ekki staðið við skyldur sínar samkvæmt leyfinu getur Orkustofnun þó afturkallað það án aðvörðunar.

Orkustofnun, 21. janúar 2009.